

Հավելված
ՀՀ կառավարության 2015 թվականի
հունիսի 10-ի N 620 -Ն որոշման

Կ Ա Ր Գ

ԱՆՄԻՋԱԿԱՆ ԱՐՏԱԴՐՈՂ ԿԱՄ ԱՆՄԻՋԱԿԱՆ ՆԵՐՄՈՒԾՈՂ ՉՀԱՆԴԻ-
ՍԱՑՈՂ՝ ՊԱՐՏԱԴԻՐ ԴՐՈՇՄԱՎՈՐՄԱՆ ԵՆԹԱԿԱ ԱՊՐԱՆՔՆԵՐ ԻՐԱՑ-
ՆՈՂ ԿԱԶՄԱԿԵՐՊՈՒԹՅՈՒՆՆԵՐԻ ԵՎ ԱՆՀԱՏ ՁԵՌՆԱՐԿԱՏԵՐԵՐԻ
ԿՈՂՄԻՑ ՊԱՐՏԱԴԻՐ ԴՐՈՇՄԱՎՈՐՄԱՆ ԵՆԹԱԿԱ ԱՊՐԱՆՔՆԵՐԻ
ԴՐՈՇՄԱՎՈՐՄԱՆ

1. Սույն կարգով կարգավորվում են «Առևտրի և ծառայությունների մասին» Հա-
յաստանի Հանրապետության օրենքի 9.1-ին հոդվածի 2.1-ին մասով սահմանված՝ անմի-
ջական արտադրող կամ անմիջական ներմուծող չհանդիսացող՝ պարտադիր դրոշմա-
վորման ենթակա ապրանքներ Հայաստանի Հանրապետությունում իրացնող կազմա-
կերպությունների և անհատ ձեռնարկատերերի (այսուհետ՝ իրացնող) կողմից պարտա-
դիր դրոշմավորման ենթակա ապրանքների դրոշմավորման հետ կապված հարաբերու-
թյունները:

2. Սույն կարգի դրույթներին համապատասխան պարտադիր դրոշմավորման
ենթակա չդրոշմավորված ապրանքների (այսուհետ՝ չդրոշմավորված ապրանք) դրոշմա-
վորման նպատակով իրացնողները, մինչև դրանց իրացման համար օրենքով սահման-
ված վերջնաժամկետից հետո 2 ամիսը լրանալը, գույքագրում են իրենց մոտ առկա չդրոշմա-
վորված ապրանքները և դրանց վերաբերյալ տեղեկությունները՝ համաձայն ձևի, ներ-
կայացնում են հարկային մարմին:

3. Հարկային մարմինը գույքագրված ապրանքների քանակի վերաբերյալ ստացված տեղեկությունների ճշտման նպատակով օրենքով սահմանված կարգով կարող է իրականացնել հսկողական միջոցառումներ:

4. Դրոշմապիտակներ տրամադրվում են սույն կարգի 2-րդ կետին համապատասխան հարկային մարմին ներկայացված տեղեկություններում ներառված չդրոշմավորված ապրանքների քանակին համապատասխան: Այն դեպքում, երբ հարկային մարմնի իրականացրած հսկողական միջոցառումների արդյունքում արձանագրվում է չդրոշմավորված ապրանքների այլ քանակ (մնացորդ), ապա դրոշմապիտակները տրամադրվում են արձանագրված քանակին համապատասխան:

5. Իրացնողները սույն կարգի 2-րդ կետում նշված տեղեկություններով ներկայացված քանակի դրոշմապիտակներ կարող են ձեռք բերել իրենց հաշվառման հարկային (տարածքային) տեսչությունից՝ էլեկտրոնային եղանակով ներկայացված Հայաստանի Հանրապետության տարածքում արտադրվող պարտադիր դրոշմավորման ենթակա ապրանքների համար դրոշմապիտակների ձեռքբերման հայտի հիման վրա: Հայտը ներկայացվում է միայն մեկ անգամ՝ մինչև պարտադիր դրոշմավորման ենթակա ապրանքներն առանց դրոշմավորման իրացնելու օրենքով սահմանված վերջնաժամկետից հետո 2 ամիսը լրանալը:

6. Իրացնողները մինչև պարտադիր դրոշմավորման ենթակա ապրանքների իրացումն այդ ապրանքների տեսակի, ենթատեսակի (նկարագրի), տարողության (ծավալի, քաշի կամ տվյալ ապրանքատեսակին բնորոշ չափման այլ միավորի), քանակության և համապատասխան դրոշմապիտակների սերիաների ու հերթական համարների (այդ թվում՝ միջակայքերով) վերաբերյալ տեղեկությունները հարկային մարմին ներկայացնում են օրենքով սահմանված ընդհանուր կարգով:

7. Իրացնողները (բացառությամբ շրջանառության հարկ վճարող համարվողների) մինչև ապրանքների իրացումն էլեկտրոնային եղանակով կատարում են գրանցումներ, իսկ անհրաժեշտության դեպքում՝ մինչև ապրանքների իրացումն էլեկտրոնային եղանակով ճշգրտումներ են կատարում այդ գրանցումներում:

8. Օրենքով սահմանված կարգով շրջանառության հարկ վճարող իրացնողները կարող են մինչև ապրանքների իրացումն էլեկտրոնային եղանակով գրանցումներ չկատարել, եթե գրանցման ենթակա բոլոր տվյալները (բացառությամբ տրամադրվելիք դրոշմապիտակների սերիաների ու հերթական համարների) նշում են դրոշմապիտակների ձեռքբերման հայտում: Սույն կետում նշված իրացնողներն անհրաժեշտության դեպքում կարող են, մինչև ապրանքների իրացումը, էլեկտրոնային եղանակով գրանցումներ կատարելու միջոցով ճշգրտել իրենց կողմից ներկայացված՝ դրոշմապիտակների ձեռքբերման հայտում նշված տվյալները:

9. Իրացնողներն ապրանքների դրոշմավորումն իրականացնում են Հայաստանի Հանրապետության կառավարության 2013 թվականի մայիսի 16-ի «Առևտրի և ծառայությունների մասին» Հայաստանի Հանրապետության օրենքով պարտադիր դրոշմավորման ենթակա ապրանքների դրոշմավորման և վերադրոշմավորման կանոնները սահմանելու մասին» N 562-Ն որոշմամբ սահմանված՝ Հայաստանի Հանրապետությունում արտադրված ապրանքների դրոշմավորման կանոններին համապատասխան:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Տեղեկություններ անմիջական արտադրող կամ անմիջական ներմուծող չհանդիսացող՝ պարտադիր դրոշմավորման ենթակա ապրանքներ իրացնող կազմակերպությունների և անհատ ձեռնարկատերերի կողմից գույքագրված ապրանքների մնացորդների վերաբերյալ	Փաստաթղթի հերթական համարը <hr/> (լրացվում է հարկային մարմնի կողմից)
1. Հարկ վճարողի հաշվառման համարը (ՀՎՀՀ)	
2. Իրավաբանական անձի անվանումը կամ անհատ ձեռնարկատիրոջ անունը, ազգանունը	
3. Գտնվելու վայրը (անհատ ձեռնարկատիրոջ բնակության վայրը)	
4. Հաշվառման վայրի հարկային տեսչության անվանումը	

5. Ծածկագիրն ըստ USԳ ԱԱ	6. Ապրանքախմբի համառոտ անվանումը	7. Ապրանքատեսակի անվանումը	8. Ենթատեսակը (նկարագիրը)	9. Տարողությունը (ծավալը. քաշը կամ տվյալ ապրանքատեսակին բնորոշ չափման այլ միավոր)	10. Արտադրվող ապրանքների դրոշմավորման համար անհրաժեշտ դրոշմապիտակների քանակը
				Ընդամենը	

Հարկ վճարողի/ղեկավարի _____

(ստորագրությունը, անունը, ազգանունը)

_____ 20 թ

1. 1-ին կետում լրացվում է հարկ վճարողի հաշվառման համարը (ՀՎՀՀ):

2. 2-րդ կետում լրացվում են իրավաբանական անձի անվանումը կամ անհատ ձեռնարկատիրոջ անունը, ազգանունը, տեղեկությունների ընդունման ծրագրի կողմից՝ ինքնաշխատ:

3. 3-րդ կետում լրացվում է իրավաբանական անձի գտնվելու վայրը կամ անհատ ձեռնարկատիրոջ բնակության վայրը, տեղեկությունների ընդունման ծրագրի կողմից՝ ինքնաշխատ:

4. 4-րդ կետում լրացվում է հարկ վճարողի հաշվառման վայրի հարկային տեսչության անվանումը, տեղեկությունների ընդունման ծրագրի կողմից՝ ինքնաշխատ:

5. 5-րդ կետում լրացվում է պարտադիր դրոշմավորման ենթակա ապրանքների ծածկագիրը՝ ըստ արտաքին տնտեսական գործունեության ապրանքների անվանացանկի դասակարգչի, օրինակ՝ 3004:

6. 6-րդ կետում լրացվում է «Առևտրի և ծառայությունների մասին» Հայաստանի Հանրապետության օրենքի 9.2-րդ հոդվածով սահմանված պարտադիր դրոշմավորման ենթակա ապրանքախմբի համառոտ անվանումը, օրինակ՝ դեղամիջոց:

7. 7-րդ կետում լրացվում է ապրանքատեսակի անվանումը, օրինակ՝ կետոնալ:

8. 8-րդ կետում լրացվում է ապրանքի ենթատեսակը (սկարագիրը), օրինակ՝ 2,5% գել:

9. 9-րդ կետում լրացվում է ապրանքի տարողությունը (ծավալը, քաշը կամ տվյալ ապրանքատեսակին բնորոշ չափման այլ միավոր), օրինակ՝ 50 գր:

10. 10-րդ կետում լրացվում է պարտադիր դրոշմավորման ենթակա ապրանքների դրոշմավորման համար անհրաժեշտ դրոշմապիտակների քանակը, իսկ սյունակի վերջում նշվում է ընդամենը քանակը: